



Broj: 01-50-2-672-4/2024  
Sarajevo, 23.2.2024. godine

**Parlamentarna skupština Bosne i Hercegovine**  
**Predstavnički/Zastupnički dom**  
n/r: Marinka Čavare, predsjedavajućeg

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 28-02-2024

Organizaciona jedinica	Klasifikaciona oznaka	Redni broj	Broj priloga
01-	50-1-	335	24

**Predmet: Odgovor na poslaničko pitanje Sanje Vulić - dostavlja se**

**Veza: Vaš akt broj 01-50-1-335/24 od 7.2.2024. godine i broj 01-50-1-335/24 od 12.2.2024. godine**

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 12.2.2024. godine zaprimilo dopis, broj i datum veze, kojim VSTV-u BiH dostavljate poslaničko pitanje poslanice Sanje Vulić upućeno VSTV-u BiH, u skladu sa članovima 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20, 53/22 i 59/23; u daljem tekstu: „Poslovnik“), kako slijedi:

„Kada, po kojim kriterijumima ili po čijem nalogu je za sudiju izabrana Sena Uzunović?“

Naknadno je dana 15.2.2024. godine Vijeću dostavljena dopuna gore opisanog poslaničkog pitanja, te je uvidom u njen sadržaj utvrđeno da se suštinski odnosi na isto pitanje koje je obuhvaćeno inicijalnim aktom, uz razliku da su uz novopristigli akt dostavljeni transkripti broj: 00488764, 00485950, 00485999, 0048600 i zapisnik 5. brdske brigade Armije Bosne i Hercegovine broj: 05-1126/93 od 3.6.1996. godine.

S tim u vezi, a u skladu sa članom 171. Poslovnika dostavljamo odgovor kako slijedi:

Sena Uzunović je na poziciju sudije Suda Bosne i Hercegovine imenovana na sjednici Vijeća održanoj 7.7.2022. godine.

Odluka o imenovanju sudije Uzunović br. 04-07-3-2472-2/2022 od 7.7.2022. godine sa detaljnim obrazloženjem koje sadrži razloge i kriterije za imenovanje, javno je objavljena na web stranici Vijeća. <https://vstv.pravosudje.ba> u kategoriji Aktivnosti, potkategorija Imenovanja/Odluke o imenovanju i dostupna je javnosti putem linka: <https://vstv.pravosudje.ba/vstvfo-api/vijest/download/93919>, uz napomenu da je ista, kao i sve ostale odluke o imenovanju nosilaca pravosudnih funkcija, objavljena i u „Službenom glasniku BiH“.

Kopija navedene Odluke dostavlja se u prilogu ovog dokumenta.

Napominjemo da je sudija Uzunović dugogodišnji nosilac pravosudne funkcije, te da je nakon reforme pravosudnog sistema u BiH obavljala funkciju tužioca u Kantonalnom tužilaštvu Kantona Sarajevo i Tužilaštvu Bosne i Hercegovine, o čemu detaljnije podatke možete preuzeti sa web



stranice Suda Bosne i Hercegovine, link: <https://www.sudbih.gov.ba/Judge/Details/117>. Odluke o imenovanju na navedene pozicije dostavljamo u prilogu ovog akta.

U odnosu na imenovanje sudije Uzunović generalno na poziciju nosioca pravosudne funkcije, nakon izvršene reforme pravosuđa i uspostave VSTV-a BiH 2004. godine ističemo da je sve relevantne činjenice o tadašnjim sudijama i tužiocima, odnosno kandidatima za iste, provjeravala Nezavisna pravosudna komisija koja je formirana odlukom Vijeća za implementaciju mira u BiH i visokog predstavnika za BiH i uspostavljena 2001. godine sa zadatkom da vodi i koordinira nastavak reforme pravosuđa, pa tako i u odnosu na gospođu Uzunović, što znači da su sve informacije o tzv. „ratnoj prošlosti“ bile poznate tada nadležnom tijelu, prije inicijalnih imenovanja, odnosno reimenovanja sudija i tužilaca, što je djelimično opisano i odluci o imenovanju koja se dostavlja u prilogu ovog dopisa i to u dijelu koji elaborira relevantno radno iskustvo.

Posebno se napominje da je Nezavisna pravosudna komisija prestala sa radom krajem marta 2004. godine, kada su prestala da postoje i tri ranije uspostavljena visoka sudska i tužilačka vijeća.

Funkciju tih institucija je preuzeo VSTV BiH.

Ukoliko su Vam potrebne još neke informacije iz nadležnosti Vijeća stojimo Vam na raspolaganju.


S poštovanjem,

Prilog:

- Odluka o imenovanju Sene Uzunović na poziciju sudije Suda BiH broj: 04-07-3-2472-2/2022 od 7.7.2022. godine;
- Odluka o imenovanju tužilaca u Tužilaštvo Bosne i Hercegovine br. VSTV-02-0080-19012007 od 18.1. 2007. godine
- Odluka o uspostavljanju Kantonalnog tužilaštva Kantona Sarajevo i imenovanju tužilaca u Kantonalno tužilaštvo Kantona Sarajevo od 12.11.2003. godine;

Dostaviti:

- naslovu
- a/a







Visoko sudsko i tužilačko vijeće Bosne i Hercegovine  
Visoko sudbeno i tužiteljsko vijeće Bosne i Hercegovine  
Високи судски и тужилачки савјет Босне и Херцеговине  
High Judicial and Prosecutorial Council of Bosnia and Herzegovina

Broj: VSTV-02-0080-19012007  
Datum: 18.1. 2007. godine

Na osnovu člana 17. stav 1., Zakona o Visokom sudskom i tužilačkom vijeću Bosne i Hercegovine ("Službeni glasnik Bosne i Hercegovine", br. 25/04 i 93/05), Visoko sudsko i tužilačko vijeće Bosne i Hercegovine je na sjednici održanoj 18.1.2007. godine,  
**d o n i j e l o**

**O D L U K U**  
o imenovanju tužilaca u Tužilaštvo Bosne i Hercegovine

**I**

Za tužioce u Tužilaštvo Bosne i Hercegovine, imenuju se slijedeće osobe:

- 1) **Milorad Barašin**
- 2) **Munib Halilović**
- 3) **Sena Uzunović**
- 4) **Adnan Gulamović**
- 5) **Edina Hubjer**
- 6) **Maja Ilić-Stupar**
- 7) **Sanja Jukić**
- 8) **Mirko Lečić**
- 9) **Gordana Bosiljčić**
- 10) **Božidarka Dodik**

**II**

Prilikom imenovanja Visoko sudsko i tužilačko vijeće Bosne i Hercegovine je uzelo u obzir kvalifikacije, znanje i iskustvo imenovanih kandidata. Imenovani kandidati su se istakli, između ostalih prijavljenih kandidata, svojim prethodnim stručnim dostignućima, sposobnošću za obavljanje poslova tužioca i mogućnošću analiziranja pravnih problema, po pokazanoj nezavisnosti, nepristrasnosti, integritetu, revnosti i odgovornosti u obavljanju dužnosti, kao i komunikativnosti i zrelosti prilikom odlučivanja. Vijeće smatra da ovi kandidati u potpunosti ispunjavaju uslove za imenovanje propisane u članu 43. Zakona o Visokom sudskom i tužilačkom vijeću Bosne i Hercegovine.

**III**

Ova odluka stupa na snagu 18.1.2007. godine.

**IV**

Tužioci će preuzeti dužnost 1. 3. 2007. godine.


Kraljice Jelene 88, 71000 Sarajevo, Bosna i Hercegovina  
Telefon: +387 (0) 33 707 500, Fax: +387 (0)33 707 550

V

U skladu sa članom 45. Zakona o Visokom sudskom i tužilačkom vijeću Bosne i Hercegovine, ova odluka biće objavljena u "Službenom glasniku Bosne i Hercegovine", kao i u prostorijama Vijeća dostupnim javnosti.

U Sarajevu, 18. 1. 2007. godine

Branko Perić  
Predsjednik Visokog sudskog i tužilačkog vijeća Bosne i Hercegovine





Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08), a u vezi sa članom 61. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudsko i tužilačko vijeće Bosne i Hercegovine je na sjednici održanoj 07.07.2022. godine, donijelo

### **O D L U K U** **o imenovanju sudije u Sud Bosne i Hercegovine**

- I. Za sudiju Suda Bosne i Hercegovine imenuje se Uzunović Sena.
- II. Imenovana stupa na dužnost 08.08.2022. godine.
- III. Ova odluka stupa na snagu danom donošenja i biće objavljena u „Službenom glasniku BiH“ i na internet stranici Vijeća.

### **O b r a z l o ž e n j e**

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 21.12.2021. godine, objavilo javni konkurs, broj: 04-07-3-4416-1/2021, kojim su, između ostalih pozicija, oglašene i dvije (2) pozicije za sudije Suda Bosne i Hercegovine.

Nakon provedene konkursne procedure, nadležno podvijeće je izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o VSTV-u BiH i Poslovníkom VSTV-a BiH, Vijeće je odlučilo da za jednu od dvije pozicije sudije Suda Bosne i Hercegovine imenuje kandidatkinju pod rednim brojem 1. na rang listi Uzunović Senu.

Vijeće je nakon ocjene stručne sposobnosti kandidatkinje zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidatkinje da odgovorno, nezavisno i nepristrasno obavlja funkciju sudije, uzimajući u obzir, između ostalog, dosadašnje radno iskustvo kandidatkinje, profesionalnu nepristrasnost i ugled, ponašanje van posla, edukaciju i usavršavanje, te druge aktivnosti u struci i ocjene kriterija podobnosti, ocijenilo da imenovana kandidatkinja u potpunosti ispunjava uslove za imenovanje propisane u članu 43. Zakona o Visokom sudskom i tužilačkom vijeću Bosne i Hercegovine.

Prema mišljenju Vijeća, navedenu kandidatkinju, između ostalih kandidata, prije svega izdvaja i preporučuje da bude imenovana za sudiju navedenog suda je ukupan broj bodova koje je ostvarila u konkursnoj proceduri.

Naime, imenovana kandidatkinja je u toku konkursne procedure ostvarila veoma dobre rezultate, kako u pogledu bodova ostvarenih za kriterij stručnosti, ukupno 100 bodova od mogućih 100 bodova, tako i u pogledu bodova ostvarenih na razgovoru, ukupno 21,5 bodova od mogućih 25 bodova, što ju je u konačnici rangiralo na prvom mjestu rang liste kandidata sa ukupno 121,5 ostvarenih bodova od mogućih 125 bodova.

Osim toga. Vijeće je imalo u vidu da je imenovana kandidatkinja u skladu sa članom 59a. stav (1) tačka c) Poslovnika VSTV-a BiH ostvarila potreban uspjeh od najmanje 115 bodova, kako bi bila predložena i imenovana na poziciju sudije Suda Bosne i Hercegovine.


Imenovanje navedene kandidatkinje, pored najviše ostvarenih bodova u konkursnoj proceduri. opredijelila je i činjenica što je i dugogodišnji nosilac pravosudne funkcije sa izuzetno uspješnim rezultatima rada za posljednje tri godine.

Vijeće je imalo u vidu i činjenicu da je imenovana kandidatkinja tokom svoje karijere. već obavljala sudijske poslove. i to u periodu od 1993. g. do 1996. g. obavljala je dužnost sudije u Okružnom vojnom sudu u Mostaru, Odjeljenje Konjic, u periodu od 1996. g. do 1998. g. obavljala je dužnost sudije u Višem sudu u Mostaru, a u periodu od 2001. g. do 2003. g. obavljala je dužnost sudije u Opštinskom sudu I u Sarajevu.

Pored navedenog, Vijeće je vodilo računa o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Imajući u vidu sve iznesene razloge, Vijeće je odlučilo kao u izreci ove odluke.

Broj: 04-07-3-2472-2/2022  
Datum: 07.07.2022. godine



Dostaviti:

- Imenovanom,
- Sudu Bosne i Hercegovine,
- Ministarstvu pravde Bosne i Hercegovine,
- a/a.





High Judicial and Prosecutorial Councils  
Visoka sudska i tužilačka vijeća Bosne i Hercegovine  
Visoka sudbena i tužiteljska vijeća Bosne i Hercegovine  
Високи судски и тужилачки савјети Босне и Херцеговине

Visoko sudsko i tužilačko vijeće Federacije Bosne i Hercegovine na sjednici održanoj 12.11.2003. godine je donijelo sljedeću

**ODLUKU O USPOSTAVLJANJU KANTONALNOG TUŽILAŠTVA KANTONA SARAJEVO I IMENOVANJU TUŽILACA U KANTONALNO TUŽILAŠTVO KANTONA SARAJEVO**

1/ U skladu sa članom 36. Zakona o Kantonalnom tužilaštvu Kantona Sarajevo ("Službene novine Kantona Sarajevo", br. 20/02), dana 01.01.2004. godine uspostavlja se Kantonalno tužilaštvo Kantona Sarajevo.

2/ Prema članu 42. i u skladu sa članom 15. Zakona o Visokom sudskom i tužilačkom vijeću Federacije Bosne i Hercegovine ("Službene novine Federacije Bosne i Hercegovine", br. 22/02 i 42/02), članom 32. Poslovnika Visokih sudskih i tužilačkih vijeća za prelazni period ("Službeni glasnik Bosne i Hercegovine", br. 38/02) i članom 5, stav 2, Zakona o Kantonalnom tužilaštvu Kantona Sarajevo,

sljedeće osobe se imenuju na mjesta kantonalnih tužilaca u Kantonalnom tužilaštvu Kantona Sarajevo:

1. Alihodžić Berina
2. Babić Anika
3. Badnjar Ljubo
4. Begović Džemila
5. Bešić Suada
6. Burzić Dalida
7. Čorlija Dragan
8. Čatović Aida
9. Čorović Nedžad
10. Delalić Husein
11. Elazar Nina
12. Hajdo-Balta Advija
13. Hrapo Safet
14. Hubjer Edina
15. Ilić Vesna
16. Ilić-Stupar Maja

Emerika Bluma 8, 71000 Sarajevo, Bosnia and Herzegovina  
Telephone: +387 (0)33 283-500, Fax: +387 (0)33 445-223

17. **Kajmaković Dijana**
18. **Kamenica Enes**
19. **Kanevčev Nives**
20. **Karić Džemal**
21. **Koprivica Milutin**
22. **Kreštalica Sead**
23. **Lečić Mirko**
24. **Mahmutović Altijana**
25. **Marilović Ljiljana**
26. **Mehić Ismet**
27. **Muratbegović Edin**
28. **Omerović Dika**
29. **Ostojić Cvjetko**
30. **Pećanac Jasna**
31. **Peleš Relja**
32. **Rončević Branimir**
33. **Ružić Jasenko**
34. **Smailbegović Igmanka**
35. **Šehović Mirsad**
36. **Šeleta Nenad**
37. **Šljivar Branko**
38. **Šuškić Ismet**
39. **Tahmaz-Bukvić Emela**
40. **Uzunović Sena**
41. **Velić Suada**

3/ Prema članu 42. i u skladu sa članom 15. Zakona o Visokom sudskom i tužilačkom vijeću Federacije Bosne i Hercegovine, članom 32. Poslovnika Visokih sudskih i tužilačkih vijeća za prelazni period i članom 5, stav 2, Zakona o Kantonalnom tužilaštvu Kantona Sarajevo:

**Branko Šljivar** se imenuje na mjesto glavnog tužioca u Kantonalnom tužilaštvu Kantona Sarajevo, a **Enes Kamenica** i **Jasna Pećanac** na mjesta zamjenika glavnog tužioca u Kantonalnom tužilaštvu Kantona Sarajevo sa mandatom u skladu sa članom 30, stav 1, Zakona o Visokom sudskom i tužilačkom vijeću Federacije Bosne i Hercegovine i članom 7, stav 1, Zakona o Kantonalnom tužilaštvu Kantona Sarajevo.


4/ Imenovanje stupa na snagu dana 01.01.2004. godine.

5/ Visoko sudsko i tužilačko vijeće Federacije Bosne i Hercegovine je nastojalo naći kandidate koji uz osnovne uvjete posjeduju dovoljno stručnog iskustva i znanja te koji bi po ocjeni Vijeća bili sposobni da uspješno obavljaju funkciju tužioca u novim reorganizovanim tužilaštvima u skladu sa novim krivičnim zakonodavstvom. Vijeće je posebno uzelo u obzir znanje kandidata o tekućim reformama u pravosuđu, kao i opšte poznavanje zakonodavstva i međunarodnih konvencija. Vijeće je smatralo da kandidati trebaju iskazivati odlučnost, energiju i hrabrost u skladu sa novom ulogom tužioca.

Vijeće smatra da ovi kandidati najbolje ispunjavaju uvjete za imenovanje propisane u članu 41. Zakona o Visokom sudskom i tužilačkom vijeću Federacije Bosne i Hercegovine.

6/ Ova odluka će biti objavljena u "Službenim novinama Kantona Sarajevo" u skladu sa članom 43. Zakona o Visokom sudskom i tužilačkom vijeću Federacije Bosne i Hercegovine i članom 36, stav 1, Zakona o Kantonalnom tužilaštvu Kantona Sarajevo.

Sarajevo, 12.11.2003. godine



Jan Erik Oja

Predsjednik Visokog sudskog i tužilačkog vijeća Federacije Bosne i Hercegovine

*Objavljeno na oglasnoj ploči  
VSTV-a 12.11.2003.*



